




Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
նչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

638.2
Մ-65

01 OCT 2010

ՀԱՅԿԱՍՏԱՆԻ ԿՈՄՄՈՆԻՍՏԱԿԱՆ ԿՈՆԿԼԱՎԻ
ԿԻՆՔ 1254 9

372.1

**ՄԵՏԱՔՍԻ ՎԵՐԱԲԵՐՅԱԼ ԱՌԱՋԱ-
ԴՐԱՆՔ I ԱՍՏ. ԴՊՐՈՑՆԵՐԻ
ԱՇԱԿԵՐՏՆԵՐԻ ՀԱՄԱՐ**

Ռուս. բարգմանեց
Ա. Արամայան

638.2
Մ-65

ԽՍՀՄ ԺՈՂՈՎՈՐԴՆԵՐԻ ԿԵՆՏՐՈՆ. ՀՐԱՏԱՐԱԿԶՈՒԹՅՈՒՆ
ԻՐՈՍԿՎԱ. 1931

ԱՌԱՋԱԴՐՈՒԹՅՈՒՆ № 1.

Վերցրե՛ք ուսուցչից արկղիկը, վորի մեջ գտնվում է թիթեռը, զննեցե՛ք նրան և արտանկարե՛ք ձեր տետրում: Այս թիթեռը կոչվում է շերամի թիթեռ: Շերամի կոչվում է նրա համար, վոր սրա վորդը, վորը դուք կտեսնե՛ք հետո, իր մարմնի մեջ ունի մի հատուկ հեղուկ, վորից նա պատրաստում է մետաքսի թելեր: Այս վորդը կերակրվում է թթենու տերևներով: Վերցրե՛ք ուսուցչից թթենու ճյուղի նմուշը և լավ զննե՛ք նրան:

№ 1 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Շերամի վորդի թիթեռ:
2. Թթենու ճյուղ:

ԱՌԱՋԱԴՐՈՒԹՅՈՒՆ № 2.

Առե՛ք ուսուցչից շերամի «սերմ» և դիտե՛ք նրան խոշորացույցի տակ: Ինչի՞ յե նա նման: Արտանկարե՛ք նրան ձեր տետրում, դրա մի քանիսը կպցրե՛ք թղթի վրա և ամրացրե՛ք ձեր տետրին: Սերմը — դա շերամի թիթեռի ձուկն է: Ամեն մի թիթեռ ածում է 350—600 հատ ալիսի ձու, վորոնցից դուրս են գալիս վորդեր: Դրսեում այս թիթեռը իր ձվիկներն ածում է թթենու տերևների վրա և յերբ ձվիկներից վորդեր են դուրս գալիս, նրանք ուտում են տերևները և արագ զարգանում են: Իսկ այն դեպքում, յերբ մենք նրանց բուծում ենք և արհեստականորեն կերակրում ենք նրա վորդերին, ալիսն ենք այդ

անում—վերցնում ենք ձվիկները (սերմը), փռում ենք մի թերթ թղթի վրա և դնում ենք տաք սենյակ, ուր տաքությունը 25°-ից ցած չպետք է լինի: Յերբ ձվերից դուրս են գալիս վորդեր (ճիճու)—նրանց իսկույն տալիս ենք վորպես կեր թթենու մանր կոտորած տերևներ: Որական նրանց կերակրում ենք 3—4 անգամ: Նրանք շատ ազահ են և դրա համար ել արագ մեծանում են: Մի գրամ մ սերմից դուրս յեկած վորդերը 30 որվա մեջ ուտում են 28 կիլոգրամ թթենու տերև:

№ 2 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Շերամի սերմ—ձու:

ԱՌԱՋԱԴՐՈՒԹՅՈՒՆ № 3.

Առեք ուսուցչից շերամի վորդ. դիտեք նրան և արտանկարեք ձեր տետրում: Այս վորդը առաջացել է այն մանր ճիճուներից, վորոնք դուրս են յեկել ձվիկներից: Վորդն ապրում է 30 որ և չորս անգամ շապիկը փոխում է, ամեն անգամ հազնելով նոր շապիկ հնի տեղ: Յերբ վորդը վերջնական հասակին է հասնում, նա դադարում է ուտելուց, ամրանում է վորեւ ճյուղի և սկսում է բերնից բաց թողնել բարակ մի թել, վորով նա խճճում է իր ամբողջ մարմինը: Այդպիսով ստացվում է բոժոժ, վորը շատ նման է մետաքսի թելից կազմված արկղիկի, վորի մեջ գտնվում է վորդից առաջացած հարսնյակը:


№ 3 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Շերամի վորդ:

ԱՌԱՋԱԴՐՈՒԹՅՈՒՆ № 4.

Վերցրեք ուսուցչից յերկու բոժոժ, նախ նրանց ուշադիր դիտեք և արտանկարեք ձեր տետրում: հետո վերցրեք բաժակը, դրեք պատվանդանի մաղի վրա, վառեք սալիքի լամպը և տաքացրեք բաժակի միջի ջուրը: Յերբ ջուրը կտաքանա, նրա մեջ գցեք բոժոժները, վորոնց ջրի մեջ պահել 5—10 րոպե: Նրանց պետք է ամբողջ ժամանակ շուռումուռ տալ: Ժամանակը լրանալուց հետո հանեք ջրից բոժոժները և սկսեք ձեռքով քանդել թելը: Սկզբում կբացվեն մի քանի թելեր, հետո ավելի ու ավելի կքշանան, մինչև վոր կստանաք մի թել: Սկզբում գուցե այդ թելն ել կտրվի, այն ժամանակ պետք է բոժոժը ջրից հանել և գտնել նորից նրա ծայրը և յետ տալ փաթեթը: Զպետք է շտապել, աշխատեցեք հանգիստ: Յերբեմն տաս անգամ կարիք է լինում սկսել, մինչև վոր փաթեթոցը հաջողվում է: Հենց վոր թելն սկսվեց կանոնավոր կերպով բաժանվել, բոժոժը պետք է ջրի մեջ պահել: Յեւ վորովհետև շերամի թելը շատ բարակ է— ուստի լավ է յերկու բոժոժների թելը միացնել և միացած քաշել: Թելը այն կարտոնի վրա փաթաթեք, վորը ձեզ կտա ուսուցիչը: Դրանցից տասներկու հատ կա, ամեն մեկն ունի 4 սանտ. յերկարություն և 3 սանտ. լայնություն:

Յեթե ուսուցիչը ավելի մեծ կարտոններ տա, դրանց կարատեք և այն չափին շինեք, վոր ասվեց:



Ամեն մի կարտոնի վրա փաթաթեք համասար քանակով թել: Դրա համար հաշվեք — ջանի փաթ եք տվել: Յեթե փաթաթելու յեք կարտոնի յերկարությամբ, այդ ժամանակ դուք ամեն մի կարտոնի վրա մոտավորապես վեցհարյուր փաթ պիտի տաք: Չպետք է շտապեք, հանգիստ փաթաթեք, ձիգ չտաք թելը: Յեթե բոժոժից թելը հեշտ է պոկվում — նա կպոկվի մինչև վերջը և տակը կմնա մի թաղանթ, վորի մեջ գտնվում է վորդի հարսնյակը. դա պետք է պահեք: Փաթաթելիս բոժոժը շրի միջից մի հանեք: Տաքացնում են շուրը միայն աշխատանքի սկզբին, հետո սպիրտի լամպը պետք է հանգցնել: Փաթաթեք թելը հերթով: Յերբ դուք վորոշ քանակի թել փաթաթած կլինեք 12 կարտոնների վրա և բոժոժի վրա ելի մետաքսի թել մնացած կլինի — փաթաթելը կարելի յե դադարեցնել: Բոժոժի մնացյալ մասը պատռեք և տեսե՛ք՝ ի՞նչ կա նրա մեջ:

№ 4 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

- | | |
|----------------|----------------|
| 1. Պատվանդան | 5. Բոժոժներ |
| 2. Սպիրտի լամպ | 6. Ապակե ձողիկ |
| 3. Ազդեստի մաղ | 7. Լուցկի |
| 4. Բաժակ | 8. Կարտոններ |

ԱՌԱՋԱԴՐՈՒԹՅՈՒՆ № 5.

Վերցրեք բոժոժից ստացած թելերը, վոր դուք փաթաթեցիք 12 կարտոնների վրա, դրեք սեղանի վրա, գտեք թելերի ծայրերը, միացրեք իրար և սկսեք մատների մեջ վոլորել. մատներդ պետք է թրջեք գոլ ջրի մեջ: Ավելի լավ է ավսեյի մեջ դրեք թաց շոր և մատներիդ ծայրերը կպցրեք թաց շորին: Աշակերտներից մեկը թող վոլորի, իսկ մյուսը կարտոնի վրա փաթաթի, մյուսներդ հետևեցեք, վոր թելերը չխճըճվեն. հենց վոր թելը կտրվեց, պետք է իսկույն միացնել: Քիչ հետո հերթով կատարեք այս բոլոր աշխատանքը: Կարտոնի վրա փաթաթած թելը պետք է կապել հասարակ թելով, յերկու տեղից և հետո կարտոնի վրայից պետք է նրան հանել: Վորպեսպի հեշտ դուրս գա, պետք է կարտոնը քիչ հուպ տալ:

№ 6 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Կարտոններ վրան փաթաթած թելով
2. Թաց շոր
3. Դատարկ կարտոններ
4. Ափսե
5. Մի կտոր հասարակ թել:

ԱՌԱՋԱԴՐՈՒԹՅՈՒՆ № 6.

Վերցրեք ուսուցչից այն բոժոժը, վորը փնտրվել է, յերբ նրա միջից դուրս է յեկել թիթեռը. լավ գնեք այն:

Այն բոժոժը, վոր դուք տեսնում եք, փչացած է: Նախքան բոժոժի միջից դուրս գալը, թիթեռը իր միջից բաց է թողել մի հյուսթ, վորը լուծել է բոժոժի պատը, և թիթեռը այդ անցքից դուրս է յեկել: Բոժոժն ու թեւերը դրանից վնասվել են: Յետ տալ այդ բոժոժի թելը չի կարելի: Նրանից կարելի յե միայն ստանալ մետաքսն — բամբակ: Դրա համար վերցրեք ուսուցչից սապնալուծույթով բաժակ, դրեք պատվանդանի վրա և 30 բոպեյաչափ տաքացրեք սպիրտի լամպով: Յեթե բաժակի միջի ջուրը գոլորշիանա, բաժակի մեջ գոլ ջուր ածեք, բայց վոչ սառը, յեթե վոչ բաժակը կձաքի: 30 բոպե անցնելուց հետո լամպը հեռացրեք, բաժակը վերցրեք, սառցրեք և մաքուր սառը ջրի մեջ մի քանի անգամ բոժոժը լվացեք և հետո չորացրեք:

Չորանալուց հետո, յեթե բոժոժը քանդենդեք ձեռքով, դուք կստանաք փափուկ, մաքուր մետաքսն «բամբակ»: Փորձեցեք այդ բամբակից ստանալ մետաքսն թել: Դրա համար դուք հետզհետե ձգելու յեք մետաքսը և մատներով վոլորելու յեք, մատներդ թացացնելով թաց շորով: Ստացած թելը փաթաթեք կալտոնի վրա:

№ 6 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

- | | |
|---------------------|----------------|
| 1. Վնասված բոժոժ | 5. Սպիրտի լամպ |
| 2. Խոզանակ | 6. Պատվանդան |
| 3. Թաց շոր | 7. Աղբեստի մաղ |
| 4. Սապնալորով բաժակ | 8. Լուցկի |

ԱՌԱՋԱԴՐՈՒԹՅՈՒՆ № 7.

Առեք ուսուցչից սապնալորով բաժակ, հում մետաքսի թելի կաժ և յեփած մետաքս: Նախ լավ գննեք հում մետաքսը և համեմատեցեք նրան յեփած մետաքսի և ձեր պատրաստած մետաքսի հետ: Շոշափեցեք ձեռքով: Ինչո՞վ է տարբերվում հում մետաքսը յեփածից և նրանցից վո՞րն է նման ձեր պատրաստած մետաքսին:

Այժմ դրեք հենարանի մաղի վրա սապնալորով բաժակը և մեջը գցեք հում մետաքսը, վոր առաք. ուսուցչից առեք նաև բոժոժից ձեր պատրաստած մետաքսը: Տաքացրեք լուծույթը, առանց թույլ տալու վոր նա յեփվի: Թելերը սկզբում կուռչեն, բայց շուտով ելի նախկին տեսքը կստանան: Տաքացնել պետք է մի ժամ շարունակ, յեթե ջուրը գոլորշիանա, ավելացրեք վրեն գոլ ջուր: Հանգցրեք սպիրտի լամպն, սառցրեք բաժակը, հանեք միջից մետաքսը, լվացեք սառը ջրում և չորացրեք: Համեմատեցեք յեփ տված մետաքսը ուսուցչից ստացած յեփած մետաքսի հետ: Տարբերվում են իրարից և ինչո՞վ:

№ 7 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Սպիրտի լամպ
2. Պատվանդան
3. Բաժակ
4. Լուցկի
5. Սապնի լուծույթ 2%-անի
6. Հում մետաքս
7. Յեփ տված մետաքս
8. Ուսուցչից ստացած մետաքսը:

Վերցրեք շրջանակը և մաքորը, վոր դուք շինել եյիք աշխատանքի դասերի ժամանակ: Մաքորի վրա փաթաթեք մի գուլյնի մետաքսի թել, իսկ շրջանակի վրա ձգեք, ինչպես նկարում ցույց ե տված, ուրիշ գուլյնի մետաքսի 30 թել: Սկսեք հյուսել այսպես. մաքորի վրայի թելը ամրացրեք շրջանակին, մաքորը թողեք հիմքի առաջին թելի տակով, բաց թողեք յերկուրորդ թելը, տարեք յերրորդով, բաց թողեք չորրորդը, տարեք մաքորը հինգերորդով և այսպես մինչև վերջը, հետո մաքորը նույն կարգով, միայն հակառակ կողմից հյուսելով յեկեք այս ծայրը: Հյուսեք 30 շարք և դուք կստանաք մետաքսի գործվածքի մի կտոր. վորպեսզի նա ամուր լինի թե հիմքի և թե վերի թելերը պետք ե ամուր սխմել իրար:

Գործարաններում մետաքսի կտորը գործում են հատուկ սորքերի վրա: Դիտեք այդ սորքերից մեկի նկարը և, յեթե կարող եք, աշխատանքի դասի ժամերին շինեք փայտե սորքի փոքր տեսակը:

№ 8 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Շրջանակ և մաքոր
2. Յերկու գուլյնի մետաքսի թել
3. Հյուսվածք շրջանակի նկարով
4. Տորքի նկարը:

Առեք ուսուցչից մի կտոր մետաքս և գննեք նրան: Ասեք, վոր կտորն ե հում մետաքսի թելից հյուսած և վորը յեփ տված: Ինչից եք այդ իմանում:

Խնդրեք ուսուցչից խոշորացույց և դիտե՛ք՝ նրա տակ ինչպես են դասավորված թելը և հյուսվածքը: Արտանկարեք հյուսվածքը ձեր տետրում: Նման ե նա ձեր հյուսվածքին, իսկ յեթե նման չե — ինչով ե նա տարբերվում ձերից: Վերցրեք կիսամետաքսի կտորներ, քաշեք նրա մի ծայրից հիմքը և յերեսը: Համեմատեցեք իրարու հետ: Միանման են նրանք, յերկուսն ել մետաքսի թելերից են, թե մեկը նրանցից մետաքսից ե, իսկ մյուսը բամբակից: Վորն ե դրանցից մետաքսի թելից, հիմքը, — թե՛ յերեսը:

№ 9 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Կտորների նմուշներ՝
 - ա) կոպիտ հում թելից.
 - բ) յեփ տված մետաքսից (կերպաս).
 - գ) կիսամետաքս՝ բամբակի հետ խառը — սարժ.
 - դ) խոշորացույց 5 անգամ մեծացնող.
 - յե) ասեղ կամ գնդասեղ.
 - զ) տարբեր հյուսվածքի նկարներ:

ԱՌԱՋԱԴՐՈՒԹՅՈՒՆ № 10.

Վերցրե՛ք ուսուցչից կողմից մետաքսի մի կտոր, գցե՛ք սապնաշրով բաժակի մեջ, դրե՛ք այն պատվանդանի մադի վրա, վառե՛ք սպիրտի լամպան և մի ժամ շարունակ տաքացրե՛ք. հետո հանգցրե՛ք լամպը, թողե՛ք բաժակը սառչի, հանե՛ք բաժակի միջի կտորը, լվացե՛ք սառը ջրում և չորացրե՛ք: Բաժակի միջի հեղուկը մի թափե՛ք, այլ տվե՛ք ուղեղչին: Նա նրան կպահի հետևյալ աշխատանքի համար:

№ 10 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

1. Սպիրտի լամպ
2. Սապնաշրով բաժակ
3. Մաղ
4. Պատվանդան և յերկաթե հենարան
5. Մետաքսի կողմից կտոր
6. Լուցկի
7. Ապակե ձողիկ:


ԱՌԱՋԱԴՐՈՒԹՅՈՒՆ № 11.

Վերցրե՛ք բաժակ, լցրե՛ք մեջը կտորը լվանալուց հետո մնացած սապնի լուծույթ 35 խոր. սանտիմ. կաթեցրե՛ք նրա մեջ մի քանի կաթիլ քացախի թրթվուտ, վոր կտա ուսուցիչը. ապա վերցրե՛ք լակմուս ծծանի թղթի մի կտոր, թաթախե՛ք այդ թուղթը բաժակի հեղուկի մեջ. յեթե նա կարմրեց, ուրեմն այլևս

թրթվուտ ավելացնելու կարիք չկա, իսկ յեթե չկարմրեց, ավելացրե՛ք ելի մի քանի կաթիլ թրթվուտ, մինչև վոր լակմուսը թաթախելիս կարմրի: Այժմ առե՛ք ուսուցչից ներկով բաժակը և լցրե՛ք ներկը ձեր բաժակի մեջ, դրե՛ք բաժակը պատվանդանի վրա և տաքացրե՛ք հեղուկը: Հենց վոր հեղուկը քիչ տաքացավ, գցե՛ք մեջը մետաքսի կտորը և պահե՛ք այնտեղ այնքան, մինչև վոր հեղուկը սկսի յեռ գալ: Վորպեսզի կտորը յերես չընկնի — դրե՛ք նրա վրա ապակյա գդալ և սխմե՛ք, վորպեսզի կտորը մնա բաժակի հատակում: 35 րոպե ներկելուց հետո լամպը հանե՛ք, հանգցրե՛ք, իսկ հեղուկը թողե՛ք վոր սառչի. ապա հանե՛ք, լվացե՛ք սառը ջրում, վորից հետո դրե՛ք կտորը սառը ջրով մի բաժակի մեջ, վորի մեջ կաթեցրե՛ք մի քանի կաթիլ քացախի թրթվուտ: Այս լուծույթի մեջ կտորը մնալու յե 15 րոպե, վորից հետո հանե՛ք, փռե՛ք չորանալու՝ առանց այլևս լվանալու:

№ 11 ԱՌԱՋԱԴՐՈՒԹՅԱՆ ՀԱՄԱՐ ԻՐԵՐ

- | | |
|-------------------|-------------------|
| 1. Սպիրտի լամպ | 6. Ներկ |
| 2. Աղբետի մաղ | 7. Քացախի թրթվուտ |
| 3. Պատվանդան | 8. Լակմուսի ծծան |
| 4. Լվացած մետաքս | 9. Լուցկի |
| 5. Սապնի լուծույթ | |



ՆԿԱՏՈՂՈՒԹՅՈՒՆՆԵՐԻ ՀԱՄԱՐ

ՆԿԱՏՈՂՈՒԹՅՈՒՆՆԵՐԻ ՀԱՄԱՐ



Ազգային
Бесплатно

23.199

387.12

16922.58

BM 0



Приложение
к раздаточному материалу
по шелку

На армянском языке

ՀՀ Ազգային գրադարան



NL0299148

ЦЕНТРАЛЬНОЕ ИЗДАТЕЛЬСТВО НАРОДОВ СССР.
Москва, центр, Никольская, 10.